

MME NTIÑ-NNIM IKỌ KE ABAÑA EMANA CHRIST

Numbers 24:17; Isaiah 7:14; 9:1-7; 11:1-5;

**Micah 5:2; Jeremiah 31:15
OYQHỌ UKPEP-ÑKPỌ 103**

Eke Mkparawa

IKỌ IBUOT: “Afo eyenyuñ osio Enye enyiñ JESUS, koro edi Enye eyenyaña ikọt Esie osio ke mme idiọk-ñkpọ mmọ” (Matthew 1:21).

Ntantañiọñ Ke Edem Usiaha-Utin

Ke ediwak isua emi ekebede, ediye ntantañiọñ emi akayamade eti eti ama ọwọrọ ada ke ikpa enyọñ. Mme ọfiọk-ñkpọ owo emi eketode Edem Usiaha-utin ema ekut ntantañiọñ emi enyuñ enim ke akpanikọ ete ke emi ada ọnọ emana Edidem mme Jew (Matthew 2:1, 2; Numbers 24:17). Ekeme ndidi mmọ ema ekpep Ikọ Abasi enyuñ ekut ete ke mme anditiñ ntiñ-nnim ikọ ema etiñ ñkpọ ebaña Edidem emi edidide. Edi akpanikọ mmọ emi ema ekot ebaña Eyen emi edimanade emi edidide Andikara (Isaiah 9:6; 7:14). Ini ama ekem emi akanade nte Edidem emi amana (Daniel 9:25), edi akpanikọ, ntantañiọñ emi ama okpon onyuñ ayama akan kpukpru ntantañiọñ emi mmọ esikutde, ndien mmọ ema etọñọ isañ ndika ke Jerusalem kpa ebiet emi Herod edidem okoduñde (Matthew 2:1). Kere baña nte eketiede mmọ ke idem, ke ini mmọ mkekwe nsek eyen emi ke ufọk edidem. Edi Herod ama okot mme Scribe ye mme oku onyuñ obup mmọ se mmọ efiokde ebaña emana Edidem emi. Mmọ ema etiñ enọ enye ete ke anditiñ ntiñ-nnim ikọ ama etiñ ete ke Christ edimana ke Bethlehem (Micah 5:2; Matthew 2:4-6).

Mme Enọ Emi Ekenode Jesus

Mme ọfiọk-ñkpọ owo ema esọsọp eyom Nsek Eyen emi. Nte mmọ ekpọñde ufọk edidem, mmọ ema etọñọ ntak ekut ediye ntanta-ọfiọñ emi, ndien enye akasaña aka ñkañ emi Bethlehem okodude. Se nte esit ekenemde mmọ ke ini ntanta-ọfiọñ emi akadade mmọ usuñ tutu mmọ ekekt ekpři Nsek Eyen emi. Nte mmọ ekesañade ekpere enyuñ ekutde Nsek Eyen emi ye eka Esie Mary, mmọ ema etuak ibuot enọ Enye.

Mmọ ema eda mme enọ esọk Enye, do ke mmọ ekuborede ñkpọ mmọ, enyuñ esioño mme ñkpọ uto emi ekedide gold, ufuọñ-ñkpọ ye myrrh. Mme enọ emi ekedi se isọñde urua eti eti, edi mmọ ekeyom ndinọ Jesus se isọñde urua ikan ke kpukpru se mmọ enyenede.

Ke usen-ubọk akpa usọrọ emana Christ, Abasi ama ọnọ ererimbot (ye nnyin ñko) ñkpọ-uto emi ọsọñde urua akan ke Heaven oro edi Eyen Esie (John 3:16). Nte mme ọfiọk-ñkpọ owo ekekponode enyuñ enode Enye mme enọ, akpana nnyin ñko inam kpasuk ntre. Mme enọ nnyin idighe silver mme gold, inyuñ idighe mme nsọñ urua itiat, edi edi se isọñde Urua ikan se nnyin inyenede kpa uwem ye ima nnyin.

Ubet Iduhe Inọ Jesus

Eka ye Ete Jesus, Mary ye Joseph, ema ekpọñ ufọk mmọ ke Nazareth, enyuñ esuhore eka ke Bethlehem man ekenọ utomo ke ntak emi mmọ eketode ubon David (Luke 2:4), mmọ ekeka ke obio David (Bethlehem). Ke ediwak isua emi ekebede, mme prophet ema etiñ ete ke Christ edimana ke Bethlehem (Micah 5:2), ñko ke Enye edinyuñ oto ke Ñkọk ufọk Jesse (Isaiah 11:1) Jesse ekedi Ete David (1 Samuel 16:1-13). Jesus ke Idem Esie ama etiñ ete ke Imọ ito ke ufọk David (Eriyarare 22:16).

Ekeme ndidi ediwak owo ema edu do, koro kpukpru mme ubet ke ufọk isen ema eyọhọ ye mme owo, edi Mary ye Joseph ekenyene itie mmọ ke efe, kpa ke ebiet emi ekebonde mme unam. Ke ini Jesus akamanade, ekenim Enye ke nyanyaha ke itie usin udia ufene. Ke kpukpru owo oro, ikoduhe baba owo kiet emi ọkọñde Jesus mkpana esie. Se nte but okponde ke adaña nte Ọbọñ-Emem mikenyenene mkpana ke mibọhọke nyañyaha! Ndien ndusuk owo mfin emi inyenene ubet ke esit mmọ, mme ke uwem mmọ ndinọ Jesus. Mmọ ebin Enye ñko kpa nte mme enyene ufọk isen ekenamde, ke ini mmọ edọhode ete “Ubet Iduhe.” Nte afo emetim ubet ke esit fo ọnọ Jesus?

Usen kiet, ke mibighike, Jesus ke ọtọñọ ntak edi ke isọñ. Ndusuk owo eyekut enyuñ etuak ibuot enọ Enye. Mmọ ebeñe idem ke enyuñ ebet Enye. Idighe ediwak owo ekekt Jesus ke ini Enye akamanade ke usin udia ufene. Mmọ ikoyomke Edidem emi, kpa nte mme ọfiọk-ñkpọ owo ekenamde. Mmọ ikebeñeke idem itie ibet edidi Esie, ke ntre, mmọ ikekemeke ndikut Enye. Mmọ emi mibeñeke idem itie ibet edidi Esie ke emi, eyetaba edisobo ye Enye ñko. Eyak nnyin itie nte mme ọfiọk-ñkpọ owo emi, oro edi, ikpeme ibaña edidi Jesus! Edieke Jesus ekpedide mfin emi, nte afo omodu ke mbeñidem ndisobo ye Enye?

Mme Ekpeme-Erọn

Idighe mme ọfiọk-ńkpọ owo ikpọn eke kut Nsek Eyen oro, oro edi Christ, koro mme ekpeme-erọn ema ekaka ndituak ibuo t nnọ Enye. Nte mmọ ekekpemedede mme erọn mmọ ke inwañ, uñwana Ubọn Abasi ama ayama akanare mben obot emi mmọ ekedude. Ndien angel ama ọnọ mmọ eti mbuk emi akabañade emana Andinyaña owo. Eketie nte mme angel ema eyọhọ ofuri ikpa-enyọn, enyūn etoro Abasi ke adaña emi mmọ ekedọhọde ete: “Ubọn enyene Abasi ke ata enyọn. Emem onyūn odu ke isọn ke otu owo emi Enye enende iso ye mmọ” (Luke 2:13, 14).

Ke ini mme angel ema ekenyọnọ, mme ekpeme erọn emi ema edioñọ ete ke Abasi ọnọ mmọ etop. Mmọ ema esọsọp idem eka ke Bethlehem man mmọ eke kut obufa Nsek Eyen emi amanade, ndien mmọ ema ekut Nsek Eyen emi nte anade ke usin-udia-ufene. Mme ekpeme-erọn emi ema enim se angel eketiñde ke akpanikọ, enyūn eke kut Nsek Eyen, oro edi Christ kpa nte angel eketiñde. Mmọ ekeda ke uteñe enyūn enuhọ etuak ibuo t enọ Edisana Nsek Eyen emi. Mmọ ema enyọnọ enyūn enọ Abasi ubọn ye itoro. Mmọ nko ema etiñ se eketiñde enọ mmọ enọ mmọ efen ye kpukpru se mmọ eke kutde enyūn efiokde. Mmọ nko eketie ukem-ukem nte mmọ oro eke ekesobode ye Jesus ke eyo emi. Mmọ ekeyom ndiyak eti mbuk emi nnọ mmọ efen.

Ema Esio Nsek Eyen Enyiñ

Ema enọ Nsek Eyen emi ediwak enyiñ. Mbemiso Enye amana, Abasi ama ọdọhọ ete ke edikot Enye “JESUS” koro edi Enye edinyaña ikọt Esie isio ke mme idiok-ńkpọ mmọ (Matthew 1:21). Ke ini Abasi eketiñde ikọ emi ọnọ Joseph, ebe Mary, Enye ama ọdọhọ enye ete ke Jesus nko edikere “Emmanuel” emi ọwọrọde ete: “Abasi ke odudu ye nnyin” (Matthew 1:23; Isaiah 7:14).

Ke Nwede Isaiah 9:6, nnyin imokot ite ke eyekot Enye “Utibe, Ọnọ-item, Ọkpọsọn Abasi, nsinsi Ete, Ọbọn Emem.” Ndusuk ikwọ eke nnyin isikwọde etiñ ebaña Jesus nte: “Lilly mme Itighere” “Rose a Sharon” (Ikwọ Solomon 2:1), “Itiat Nsinsi” (1 Nwede Corinth 10:4), ye Eti Ekpeme-erọn (John 10:11) Nte afo ọmọfiok mme enyiñ efen emi ekotde Enye?

Uduak Emi Okokpude

Herod ama ọdọhọ mme ọfiok-ńkpọ owo ete yak mmọ enam imọ ifiok ibaña ke ema ekut Nsek Eyen emi kpa Christ. Ke abiaña ke enye ọkọdọhọ ete ke imọ nko iyom ndikatuak ibuo t nnọ Enye. Edi Abasi ama ọfiok se ekesinede ke idiok ufup esit Herod, ke ntre Enye ama oduri mme ọfiok-ńkpọ owo oro utọn. Mmọ ikakaha aba ọtọ Herod, edi esaña usuñ efen enyọnọ. Ke ini Herod ama ọkọdioñọ ete ke imọ ikekemeke ndibiaña mmọ emi, enye ama owut iyaresit, koro enye ekedi idiok-owo ye ata owo ibak. Enye ama anam uduak ndiwot Jesus, ntre ke enye ọkọnọ uyo ete ewot kpukpru nsek nditọ ọtọñde ke isua iba ọsuhọre. Enye ekekere ete ke utọ usuñ emi imọ iyewot Jesus, Edidem mme Jew. Herod ekefehe ndik ete ke iyeduok itie imọ do ke enye akanam uduak ndibiat uwem Jesus. Mme owo ekeyọhọ ye mfuho ke ntak owo kiet emi ekenyenede esit udu ye ibak. Kere nte nnyin ikpatuañade, edieke ekpewotde kpukpru nditọ emi edide isua iba suhọre mfin emi!

Emi edi utọ ini eke Jeremiah anditiñ ntiñ-nnim ikọ eketiñde, ete, ke akwa mfuho ye ntuaña eyedu ke abaña nditọ eke miduhe (Jeremiah 31:15; Matthew 2:16-18). Owo ikemeke ndinam idiok uduak mbaña Abasi ndien enye okut unen. Uduak nsọñesit ye eke uwot owo Herod ke abaña ndiwot Jesus ama okpu. Abasi ama oduri Joseph utọn ete emen Nsek Eyen oro ye Mary eka ke Egypt, enyūn edu do tutu Herod akpa. Ke utọ usuñ emi ke Ikọ Abasi okosu, koro nnyin imokot ibaña nte Abasi okokotde Eyen Esie ete ọwọrọ ke Egypt (Hosea 11:1).

MME MBUME

1. Ke ewe obio ke Jesus akamana?
Mme ọfiok-ńkpọ owo ekenam didie edioñọ itie eke edikutde Enye?
Mme ekpeme-erọn ekenam didie edioñọ ete ke Jesus amana?
2. Ntak emi Enye akamanade ke usin-udia ufene?
3. Nso utọ owo ke Herod ekedi?
Siak mme nkpọ eke mme anditiñ ntiñ-nnim ikọ eketiñde ebaña emana Jesus.
4. Nso enọ ke afo edinọ Jesus ke ini Usọrọ emana Christ emi?